

Vuk'uzenzele



Produced by Government Communications (GCIS)

Sesotho / English

| August 2016 Edition 1

SA gaining ground in AIDS fight



Deputy President Cyril Ramaphosa with the United Nation's Secretary-General Ban Ki Moon at the 21st International AIDS Conference in Durban.

Chris Bathembu

South Africa is set to launch a ground-breaking Antibody Mediated Prevention (AMP) vaccine trial.

"This is the most important vaccine trial in seven years that will happen on South African soil led by South African scientists at the Medical Research Council," said South African National Aids Council CEO Dr Fareed Abdullah.

The AMP study is a new idea for HIV prevention that is related to what has been done in HIV vaccine research. In traditional HIV vaccine studies, people are given a vaccine and researchers wait to see if their bodies will make the antibodies against HIV in response. In the AMP study, however, researchers give people the antibodies directly.

Reacting to the announcement, Health Minister Dr Aaron Motsoaledi said South Africans should welcome any initiative aimed at finding an effective HIV vaccine.

Speaking to *Vuk'uzenzele* at the 21st International Aids Conference in Durban, Minister Motsoaledi said: "We know that for both TB, HIV and AIDS we need a vaccine urgently. If we can't get one, we won't break the back of these diseases. We need a game changer and a vaccine for HIV and AIDS will be a huge one."

South Africa also used the conference to demonstrate its unique capabilities in the fight against HIV and AIDS. South Africa hosted the conference this year, for the second time, having first hosted it in 2000. Unlike the 2000 conference that was overshadowed by debates which sought to prove or disprove the clash between the politics of HIV and science, this year's event was characterised by the desire by countries to usher in

a fresh approach in the fight against HIV and AIDS. For this particular study, South Africa is one of the trial sites and there are already patients who are part of the trial and getting antibodies which are being infused into their blood to prevent HIV.

"This is a cutting-edge science. There is a lot of hope and expectation that these type of trials are key to the scientific step forward," said Abdullah. If the trials succeed, this will put South Africa on the world map in terms of finding solutions for HIV. Minister Motsoaledi said South Africa and the world have to move with speed to find an HIV vaccine, adding that vaccines are as important as the cure for AIDS. Speaking during the conference, Deputy President Cyril Ramaphosa said since South Africa last hosted

Cont. page 2



R7 million investment benefits Bergville

Page 4




Tshwane empowers the youth

Page 5

A female farmer driven by passion

Page 8

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za
www.vukuzenzele.gov.za
E-mail: vukuzenzele@gcis.gov.za
Tel: (+27) 12 473 0179

Free Copy

Baahi ba Jericho ba fumana metsi



Letona la Metsi le Dikgwerekgwere Nomvula Mokonyane, Tonakgolo ya Leboya Bophirima Supra Mahumapelo le di-MEC pulong ya Porojeke ya Phepelo ya Metsi Jericho.

Gabi Khumalo

Lefapha la Metsi le Dikgwerekgwere le thakgotse porojeke ya metsi e tlo ntlafatsang phumaneho ya metsi Jericho ho la Leboya Bophirima.

“Re ke ke ra beha ditshebeletso tsa batho ba rona tsietsing. Metsi ke bophelo ha tshebeletso ya dikgwerekgwere yona e le ho bontsha hlompho.”

Porojeke ya R15 milione ya Phepelo ya Metsi Jericho e kentse letsoho ho phahamiseng moruo wa setjhaba le ho eketsa tshireletso ya phepelo ya metsi metseng ya Jericho Masepaleng wa Lehae wa Madibeng.

Porojeke e kenyetsetsa ho kengwa

ha diphaephe, methalo, ho hlahloba le ho tjheka dipetse, ho fihlella metsi a tswang petseng, mmoho le ho hokela mehala ho marangrang a ntseng a le teng le ho ya mohloding wa yona.

Pulong ya mokete, Letona Nomvula Mokonyane le Tonakgolo Supra Mahumapelo ba ile ba nehelana ka dilori tsa ditanka tsa metsi ho batho ba futsanehileng. Lori ka ngwe e ka nka dikilolitara tse 100 tsa metsi.

Letona le kgothalleditse maloko a setjhaba ho bapala karolo ya bona ho sirelletseng disebediswa tsa motheo tsa mmuso tse thehetsweng ho ntlafatsa maphelo a batho.

“Re ke ke ra beha ditshebeletso tsa batho ba rona tsietsing. Metsi ke bophelo ha tshebeletso ya dikgwerekgwere yona e le ho bontsha hlompho. Re lokela ho sebetsana le batho ba utswang divelofo tsa metsi le dipompo tsa metsi”. **■**

Letsete la R7 milione le thusa Bergville

DIMASEPALA TSA KWAZULU-NATAL edi kgola monyetla Lenaneong la mmuso la Tlhabollo ya Ditoropo tse Nyenyane.

Thandeka Ngobese

Letsete la mmuso la ho netefatsa hore metse ya mahae fepelwa ka ditshebeletso e tlisitse ho thewa ha setsha sa taolo ya dikoduwa le sa ho etsa dilaesense tsa dikoloi toropong ya Bergville.

Lenaneo la Tlhabollo ya Ditoropo tse Nyenyane le thusitse dimasepala tse mmalwa ho kenyetsetsa le wa Ukhahlamba ho la KwaZulu-Natal. Bergville ke karolo ya masepala ona.

Lefapha la Kopanelo ya Puso le Merero ya Botjhaba (Cogta) le sebedisitse R7 milione ho hlabolla Bergville.

Setho sa Lekgotla la Phethahatso (MEC) sa Cogta Nomusa Dube-Ncube, mmoho le MEC e motjha ya sa tswa thongwa bakeng sa Dipalangwang le Tshireletso ya Setjhaba Mxolisi Kaunda, ba thakgotse dintlafatso tsena haufinyana tjena.

MEC Dube-Ncube o itse

sepheo se seholo sa Lenaneo la Tlhabollo ya Ditoropo tse Nyenyane ke ho hodisa moruo metseng ya mahae le ho aha tikoloho e bolokehileng ebile e hlwekile, e leng se tlang ho tlisa matsete, kgohelo le kgolo. “Ka lehlakoreng le leng mesebetsi ya nakwana e ntse e thehwa ka ntlafatso ya disebediswa tsa motheo, ha ka ho le leng mesebetsi ya moshwellella e thehwa ka kgohelo ya matsete a dikgwebo tsa poraefete. Batjha ba fetang ba 40 ba tswang masepaleng wa Ukhahlamba ba kwetliseditswe ho ba balwantshi ba mollo.

Kaofela ha bona ba fumane mesebetsi wa moshwellella ka nako eo ho neng ho bulelwa setsha sa taolo ya dikoduwa. Basebetsi ba tshireletso le bahlwekisi le bona ba hirilwe. Masepala ona o ne o itshetlehile mahetleng a balwantshi ba mollo ba tswang masepaleng wa Ladysmith/

uMnambithi. Hona ho ne ho bile ho bolela hore tshireletso ya bahahlaudi le ya baahi e ne e se maemong a phahameng,” ho buile jwalo Dube-Ncube.

MEC Kaunda hape le bona ho thakgolwa ha lenaneo lena e le mohato wa bohlokwa.

“Setjhaba jwale se tla boloka tjelele eo ba neng ba e sebedisa ho ya Ladysmith, hore ba fihlelle ditshebeletso tsena motseng wa bona wa Bergville,” MEC Kaunda o buile jwalo.

Morena Menzi Hlongwane eo e leng Hlooho ya Setjhaba sa AmaNcwane o itse ba thabile haholo ka ntlafatso tse teng.

“Hona ho bontsha hantle hore mmuso wa rona o itlammeme ho ntlafatsa metse ya mahaeng. Re ne re sa nahana hore mona Bergville re tla hlola re bana le setsha sa tswantsho ya mollo, re se re sa bue ka setsha sa ho etsa dilaesense tsa dikoloi,” o buile jwalo.



Setsha se setjha sa taolo ya dikoduwa sa Bergville se tla netefatsa tshireletso ya maloko a setjhaba sebakeng seo.

E mong wa ba lwantshang mollo Nompumelelo Mhlongu o itse ha a utlwela ka lenaneo la ho ithuta o le mosebetsing o ne a qeaqea ho etsa kopo, a nahana hore kopo ya hae e ka se amohelwe.

“Ke polelo e fosahetseng hore ho fumana mesebetsi mmuso o lokela ho ba le motho eo o mo tsebang setheong seo. Ke ne ke se na motho eo ke mo tsebang setheong seo. Ke ile ka utlwela ka monyetla ona, ka etsa kopo mme ka amohe-

lwa. Bonnete ke hore mmuso o fana ka monyetla e lekanang ho maAforika Borwa ohle,” o buile jwalo.

Majoro wa Masepala wa Lehae wa Ukhahlamba Thulani Sibeko o itse ntshetsopele ena e tlo bolokela batho tjelele e ngata haholo ba batlang ho nka dilaesense tsa ho kganna.

“Batho ba mona peleng ba ne ba ya Estcourt kapa Ladysmith empa jwale ba ka sebedisa setsha sena se haufi le bona”. **■**

Tshwane e matlafatsa batjha

Nosihle Shelembe

Lenaneo la Motsemoholo wa Tshwane la Tshepo 10 000 le ikemiseditse ho matlafatsa batjha. Lenaneo le kenyeletsa ntshelepele ya bokgoni ka tsa kgwebo le boikwetliso ba kutlwisiso ya tsa ditjhelete le ho

iqalla dikoporasi.

Lenaneo le fana hape ka menyetla ya phumantsho ya diprojeke ka tsamaiso ya tlhokomelo ya phano ya ditshebetso ya motsemoholo ya metjha le botataisi ho eke-tsa sekgahla sa ho se putlame ha dikoporasi le ho netefatsa ho thehwa ha mesebetsi e

tswellang.

Ha lenaneo le ne le thakgolwa ka kgwedi ya Phupu 2013, motsemoholo o fumane dikopo tse 52 000 ho tswa mabatoweng ohle a supileng a Tshwane, empa ke batho ba 10 000 feela ba thontsweng.

Ho ya ka seboelledi sa majoro wa Motsemoholo wa Tshwane,

Blessing Manale, dikoporasi tse nehilweng matla a ho nehelana ka mesebetsi wa tekgeniki di thehile mesebetsi e fetang e 2 662 e netefaditsweng.

"Motsemoholo o ile hape wa nehela dikoporasi tse 279 menyetla ya ho lekana le bo-leng ba tjhelete e kana ka R247 809 696.71," Manale o

buile jwalo.

Menyetla eo e kenyeletsa phano ya dithoto le mesebetsi wa botekgeniki o kenyeletsang tlhokomelo ya mabitla, methalo ya mebila, ditshebetso tsa tlhwekiso meahong ya khansele, ditshebetso tsa ho hela jwang, ho kenya dimitara, ho penta le ho ntjhafatsa meaho. **V**

Lenaneo la Tshwane la bokgoni le qobiswa ho batjha



Nosihle Shelembe

Ha Nteseng Mogorosi a qeta materiki ka selemo sa 2004 o ne a tseba hore o batla ho ba le kgwebo ya hae hobane hono ho ne ho tlo mo neha kgutso.

O ile a ingodisa Yunivesithing ya Witwatersrand ho ifumanela dikiri ya *Bachelor of Accounting, Science*, empa ka bomadimabe, ha a ka a qeta dithuto tsa hae ka lebaka la diphephetso tsa ditjhelete.

Jwale ka ha lehlohonolo le

ikwela feela, tshebetso ya matla a motlakase ya Eskom e ile ya mo neha monyetla wa bobedi wa ho ithutela lengololo la *National Diploma in Financial Management* ho la *Central Johannesburg College*, ka lenaneo la ho ithuta mesebetsing leo a ileng a le fumana tshebeletsong ena.

Ha a qeta dithuto tsa hae ka selemo sa 2009, o ile a fuwa mesebetsi wa moshwelella jwaloka ofisara ya ditefello tsa diakhaonto hona moo Eskom.

Le ha ho le jwalo, Mogorosi o ntse a ena le toro ya ho iqalla

kgwebo eo e leng ya hae, mme o ile a tlohela mesebetsi ka selemo sa 2011 ho iqalla kgwebo ya hae ya dipalangwang.

O ile a reka teraka mme a e sebedisetsa ho rwala dithoto ho tloha Aforika Borwa ho ya Zimbabwe, empa kgwebo e ile ya putlama ha teraka ya hae e ameha kotsing.

"Ho ne ho le boima hampe ha kgwebo e ne e putlama. Ho ne ho le boima hampe bophelong ba ka. Empa ha nkaba ka inehela hobane ke ne ke na le ngwana eo ke tlamehang ho mo hlokome-la".

"Ka yona nako eo, ke ile ka bala dibuka tse ngata tse mabapi le batho ba atlehileng mme boholo ba bona ba ile ba hloleha ha nngwe kapa ha bedi. Ke ne ke le dilemo tse 25 feela ka nako eo, ka hona ka nahana hore ke sa na le nako e ngata hore nka tsoha molota hobane ke sa le monyane," o buile jwalo Mogorosi.

Ka selemo sa 2013, o ile a fumana tlhahisoleseding ka lenaneo

la Motsemoholo wa Tshwane la Tshepo 10 000 la batjha la bokgoni le kgwebo mme o ile a nka monyetla o ka matsoho a mabedi ka ho ba karolo ya lenaneo leo.

Kamora hore Mogorosi a phelele boikwetliso ba hae, yena le bomphato ba hae bao a kopaneng le bona lenaneong leo, ba ile ba etsa kopo yah o ngodisa koporasi ya bona e bitswang Mokopu Group.

Ka kgwedi ya Hlakubele 2014 kgwebo ya bona e fanang ka ditshebetso tsa ho hlwekisa diindasteri, ho hela bojwang, le taolo ya dikokonyana hape ba rekisa dihlahiswa tsa ho hlwekisa e ile ya ngodiswa. Ha jwale e hira basebetsi ba 17 ba moshwelella, le ba 60 ba nakwana.

"Phephetso e kgolo eo koporasi e ileng ya tobana le yona maqalong e ne e le ho fumana matlwele. E ne e le bothata hobane ha re ne re fumana taelo ya ho etsa mesebetsi, Motsemoholo wa Tshwane o ne o labella hore re sebedise tjhelete ya rona mme

bona ba ne ba re lefa kamora matsatsi a 30," o buile jwalo Mogorosi.

O tlatseletitse ka hore bomphato ba hae ba ne ba kadima ditjhelete malokong a malapa a bona hore mesebetsi o tswelile pele.

"Ha re ne re qala leloko ka leng le ile la lokela ho koleka R100 ka kgwedi bakeng sa kgwebo e leng tjhelete eo re neng re e sebedisetsa ho palama le mabaka a kgwebo a jwaloka ho fumana setifikeiti sa BEE, le ho ngodisa kgwebo."

Ntle le diphephetso tse tsamaisanang le kgwebo, Mogorosi o kgothalletsa batjha ho iqalla dikgwebo tsa bona.

"Ha o sheba meruo e atlehileng lefatsheng, boholo ba diketsahalo tsa moruo dinaheng tseo di qadile dikgwebong tse nyenyane.

"Tshepo 10 000 ke letsholo le letle haholo hobane batho ba bangata ba kenetseng lenaneo lena ka nako eo, ba ne ba sa sebetse mme ba batlana le mesebetsi," o buile jwalo. **V**

Phepelo ya motlakase e molaong bakeng sa metse e sa hlabollwang ya Joburg

Albert Pule

City Power, e leng karolo ya Motsemoholo wa Johannesburg, e tsetetse dimilijone tsa diranta ho fokotsa ho hokelwa ha motlakase ho seng molaong, le ho netefatsa ho sebediswa ha motlakase ho bolokehileng metseng e sa hlabollwang ka hare le kante ho Motsemoholo wa Johannesburg.

Motsamaisie Moholoyatshwering mokobobo City Power, Sicelo Xulu o itse ho kengwa ha motlakase, ho kenyeletsang ho kengwa ha dimitara, ho lebisitwe metseng e 189 e sa hlabollwang ka hara Motsemoholo wa Johannesburg.

Metse e sa hlabollwang e aro-



Badudi ba phelang metseng e sa hlabollohang ba tla fumana motlakase.

tse ka dikotwana tse tharo. Sekotwana sa pele ke se tla ntshe-tswang pele ke motsemoholo haufinyana. Hona ho tla late-lwa ke tseo tse tla nkang dilemo tse 10 ho ntlafatswa ha bodulo ba ho qetela bo tla iswa sebakeng se seng.

"Ho ne ho ena le melawana ya tataiso eo Motsemoholo o enki-leng mme re beetse ka thoko

R1.3 bilione bakeng sa dilemo tse tharo tse latelang bakeng sa ho kengwa ha motlakase."

Xulu o itse le leng la mabaka a maholo a ho kenya motlakase metseng e sa hlabollwang ke ho fokotsa kgatele e matla e bakwang ke ho hokelwa ho seng molaong ha motlakase.

"Ba bang ba batho ba metseng ena e sa hlabollwang ba ne ba

ntse ba nyafa motlakase metseng e bapileng le bona mme hona ho ne ho kgatele disebedisweng tsa motheo."

"Kaofela dikgokahanyo tsa motlakase tse seng molaong di tla ntshuwa mme re tla qala ho hokela badudi motlakase o molaong. Ba tla kenyetswa dimitara mme bona ba tla qala ho ithekela motlakase.

Ho fihlella mona, City Power e kentse motlakase motseng o sa hlabollwang wa Setswetla (Alexandra), Lolly Station (Lenasia), Princess Plot (Roodeport) le Naren Farm (borwa ba Johannesburg).

Haufinyana tjena, Mopresidente Jacob Zuma o kgantshitse motlakase malapeng a 7 000 motseng o sa hlabollwang

wa Thembelihle mane Lenasai, borwa ba Johannesburg.

Porojeke ya Thembelihle e ja ho feta R90 milione mme e shebane le ho etsa bonnete ba hore setjhaba se thabela tshebediso e bolokehileng ya phepelo ya motlakase ho tswa ho Motsemoholo wa Johannesburg.

Ka nako eo ho neng ho kgantshuwa motlakase, Mopresidente o kgothalletitse dimasepala tse ding ho ithuta ho tswa porojekeng ya Thembelihle mme ba e sebedise jwaloka setlwaedi metseng ya bona.

Motsemoholo wa Johannesburg le City Power ba kentse motlakase o bolokehileng ho kgantshetsa matlo a ka fihlang ho a 200 Hoseteleng ya Diepkloof Soweto. **V**